



叙

熾齋先生京江隱君子也今年八十梓所著蘭畦集成攜入山中屬序其概恒與先生齒相若訂交已三十年知先生爲仁人先生於襁褓時失怙育於慈母家道不豐無一隴之植及長好讀書嘗有濟世想于是家計益窘甘旨或不能繼遂投筆而貨殖焉雖未能億則屢中漸近盈餘暇日以吟詠爲樂見友之困常傾囊倒廩以調人之急其天性

蘭畦小集

叙

一

也吾郡有留養所者居常數百人其產不足以贍衆先生爲之多方籌畫使衆得所道光庚寅高寶大水饑民逃至京口者以萬指先生謀于衆設厰以安之謹出納察虛耗餽粥藥餌之類躬親視之不獨饑民蒙惠而居家者亦無擾害之虞皆先生之德也時制府陶公爲中丞時過京口稔先生名延見清談移晷凡邑中諸善舉咸諮決焉城南有獅子窟者巔崖崛岉樹木陰翳其上舊建烏外亭

下瞰曲阿後湖每天朗氣清雲陽城外浮圖可數  
其級最擅登覽之勝日久傾圯先生葺而新之爲  
觴詠之所游屐至此咸目爲先生之習池更不待  
讀其詩而始知其能詩也卽以詩論一時名宿如  
王簣山觀察胡魚門明經茅三峯張夕庵諸君子  
相與唱和花晨月夕殆無虛日其詩備見集中序  
先生詩者不患無名公鉅卿恒空山之老僧也才  
非元晏烏足以重先生哉今不以序屬名公鉅卿

蘭畦小集

叙

二

而屬空山之老僧則先生胸次又可知矣宜其詩  
之清新爾雅膾炙人口也噫吾知先生真發于中  
而厚于仁者也然其傳不僅于詩而已爰不辭授  
簡爲之引端

道光丙申秋八月五日焦山借庵清恒拜撰

題詞

幼年英俊邁庸流雅愛吟哦老不休富貴聲華等閒事何如詩卷得常留。

致光風骨謫仙才博雅都從夙慧來百讀佳章真不厭燈前月下費徘徊

大集雕成慶壽筵

先生是年八十附此奉祝

星輝南極正當天

我來欲上岡陵頌珠玉無如已在前

星槎愚弟楊逢泰拜題

蘭畦小集

題詞

三

蘭畦蕙圃小閣清如許一卷編成傳萬古誰識个

中甘苦 登山嘯咏依然真如平地神仙昔日香

山九老張渾尙小三年

九老中有張渾年七十有七

象山了璞韞庵拜稿

登堂誰不願瞻韓八十朱顏似渥丹灼艾但期分

疾痛傾囊總爲恤貧寒

吾邑留養所先生獨理多載貼補多金

枝高

花艷恒春樹葉小香生九畹蘭

令曾孫善讀書

天錫康強

原有數白頭梁孟老而安

髻齡失怙歎孤行家計艱辛赤手成孝秉堅貞依

母氏心存饑溺動公卿

先生辦理水災全活無數雲汀撫軍簣山觀察極爲

推

獎虛哀排難由天性接物無私愜衆情不是持躬

多碩德焉能婦孺識先生

蘭畦小集

題詞

四

鳩工興建煥林泉收取湖光到嶺巔

先生改建望湖亭於獸窟

寺聽黃鸝春挈榼詩吟白社夜傳牋逃名宛似山

中相行樂堪爲世外仙只恐偷閒閒不得尙多善

舉待成全

常垂青眼盼唐珍廿載叨陪步後塵結客豪華皆

若輩論心老宿不多人粗才愧贊千秋業

先生出大集命

校餘事還扶大雅輪預卜商山添一皓長生酒醉

百年身

同社愚姪唐培士拜題

蘭畦小集卷一

丹徒 韓爲楨熾齋 著

高淳湖泛舟

極目雲天一望賒。沿緣溪麓萬人家。湖光淨洗晴  
川月。山色遙連古渡霞。邑有絃歌興禮樂。民無徭  
役課桑麻。夕陽又送征帆影。千頃烟波獨泛槎。

東借庵長老

久欲登臨訪誌公。飄蓬身世復西東。知君老健豪

蘭畦小集

卷一

一

猶在愧我衰殘計已窮。錫挂雙峯叅水月。詩傳三  
昧繼崆峒。山林憑杖開生面。儒釋能兼孰與同。

何潤川小照

天開佳境憑君占。水曲山深暑不知。園竹翠憐新  
霽後。池荷香送晚風時。謾言松菊荒三徑。且效鷓  
鴉借一枝。晝永不須愁寂寞。黃庭讀罷又敲詩。

登太白樓

到此停橈叩上宮。登樓今始識仙翁。四圍山色蒼

茫裏萬頃濤聲指顧中。樹暎簷牙當檻綠。日沉水面浴波紅。客來不敢論詩句。千古騷人拜下風。

登翠螺山

振衣直上翠螺巔。烟水蒼茫到眼前。江起怒濤悲捉月。山盤了髻好居仙。地鋪雲海成圖畫。風入松林奏管絃。自笑尋幽來勝境。恨無斗酒助詩篇。

登五州山

初夏登臨興致幽。俯看城郭小如舟。千山疊嶂芙蓉

蘭畦小集

卷一

二

蓉現萬壑奔騰瀑布流。松古竟疑龍變化。僧閒堪伴鶴遨遊。誰人不愛禪林住。世網如魚入釣鉤。

山中信宿喜雨

一夜東風吼碧空。萬山都被白雲籠。蒼天早慰農民望。徧地均霑造化功。村舍迷離渾不見。商羊起舞喜初逢。山容變幻無常態。行到山巔又不同。

九月六日高樓村茅三峯張夕庵蔡隣石張瓠村招集烏外亭同送問樵上人住半壑

庵夕庵賦詩卽次其韻

楓色初斑未染霜高低蒼翠間深黃登臨莫負秋  
光美且對山林共舉觴江上征帆雲外縵遠峯隱  
約烟嵐繞俯視纔知下界低居高但覺諸山小問  
獅去住始何年窟宅高棲在頂巔原爲山林開面  
目敢勞此地集羣仙樵歌響答深林外吟情勃發  
胷襟快釋家方便渾而和悟徹圓通非襍蘊半壑  
山中喜得僧學兼儒佛比南能鐘鼓晨昏叅妙諦  
蘭畦小集

卷一

三

蒲團趺坐悟傳燈幾輩高年登絕壑我來一踐前  
宵約把酒臨風鳥外亭清秋觴咏同行樂風雅高  
懷不棄韓未曾守口抱慚顏古今多少滄桑事未  
必南山是我山

和王簣山觀察遊南山韻

鶴林寺

雲容淡淡斂秋光門外松風撲面涼元素耽詩丰  
骨雅襄陽拜石姓名香客因對月吟詩急僧亦攜



壺勸酒忙黃鶴不知何日返空餘烟霧鎖巒岡

### 竹林寺

山有篔簹號竹林翠微環抱梵宮深巉巖日上千  
村曉空谷雲低萬壑陰野納笑人牽世網冷泉供  
客洗塵心秋光令我詩魂瘦把酒臨風對碧岑

### 獅子窟

斜穿樵逕入山巔縹緲雲霞尺五天絕頂縱橫霄  
漢外羣峯環拱寺門前月來樹杪涼於水風送秋  
蘭畦小集

### 卷一

四

### 八公洞

山深蛩語助秋聲一榻松風入夢清泉水直從千  
澗落夕陽偏照萬峯明詩狂易作飛揚態酒戰須  
防暗伏兵漢隱至今留勝跡世人幾箇肯逃名

### 蓮花洞

玲瓏峭壁倚僧家壑轉峯迴曲逕斜誰向月中攀  
桂子我來石上採蓮花禪心妙藉鐘魚悟塵夢驚

殘鳥雀啣幸有諸君留唱和尙虛一席讀南華。

招隱寺

此地當年隱戴公林深樓閣晝暝濛風吹鐘磬來  
天外雨濕烟嵐洗碧空茗試虎跑秋水碧樹藏鶯  
語夕陽紅讀書人去何年返無限滄桑感慨中

物外亭落成臨眺

攜來筇竹上峯巔萬象全殊別有天山接金陵浮  
遠翠江橫鏡甕鎖寒烟雙鼇忽訝沉杯庑七塔分  
蘭畦小集

卷一

五

明列座前心境洞然超物外數聲漁笛水雲邊  
爲王簣山司寇作

車騎登臨作勝遊高懷此日繼蘇歐文章氣概凌  
山岳詩筆崢嶸貫斗牛滿座芳樽開北海二分明  
月指揚州六朝烟景歸風雅不愧中朝第一流

秋日王簣山觀察招游物外亭

亭成登眺最宜秋萬里滄溟瞬息游帆盡天邊窺  
建業鶴飛林表識揚州金焦鎖鑰雙丸列吳楚波

壽一線流此日甘棠遺惠澤歡聲黎庶樂吟謳

二

雲淨天空序入秋烟波都在望中收危巖鐘鼓魚  
龍聽絕橙風羅鶴雀愁蘆絮影翻晴岸雪桂花香  
滿夕陽樓蘭亭禊事今猶在使節才名重九州

祝陳母吳太夫人八十壽

希夷家世綿遺澤寶婺光騰蓬海側梅花酒熟送  
春來。瑤池座滿稱觴客。賢母教子效歐陽。鄉里咸  
蘭畦小集

卷一

六

稱女宗伯蟠桃結實綺筵開堦前更見蘭芽茁承  
歡玉樹自亭亭鵠立斑衣隨鶴髮文郎保赤久宣  
勞裕後箕裘定簪笏憶昔垂髫作比隣此日登堂  
稱大耋德門獲報有誰知慈悲卽是長生訣

和郝樂山紅葉韻

秋山楓若錦遊客共停車染就千林葉如開二月  
花夜深驚旅雁風定落晴霞聽說吳江信曾將冷  
字誇

萬木盡凋謝丹楓尙騁容不妨風雨妬偏愛雪霜  
濃白髮應憐我紅顏最羨儂蝶魂空入夢喚醒夕  
陽鐘

寶山觀察遊物外亭次韻

秋日登臨氣爽然孤亭俯仰大江天山林勝跡歸  
名士雲水因緣屬上仙月剩八分吟最好酒拚千  
斛醉猶賢關心國計兼民計定有清風頌百年

二

蘭畦小集

卷一

七

誰云一望客心驚江繞山圍鍊甕城萬事不如杯  
在手百年屢見海波平雲移頻送孤峯影月滿時  
聞旅雁聲待汲中泠泉下煮吟來細雨聽瓶笙

酬友人見贈

郢中客到仰追攀白雪聲高屬和慳生計奔馳嗟  
我老詩懷瀟灑愛君閒無形道德堅能守有腳陽  
春去必還得失榮枯都莫問來春柑酒聽綿蠻

二

枯腸搜盡首頻搔想斷詩魂束手敖酒到離愁偏  
易醉韻逢奇險和難高招看紅葉頻勞屐遺惠丹  
青抵贈袍幸遇鍾期奏流水叨陪雅契樂熏陶

和胡魚門原韻卽送之楚中

老年還跋涉心壯有誰知纔叙寒暄語忽吟離別  
詩襟懷交友淡肝膽照人奇定卜彈冠慶叮嚀後  
會期

升沉嗟我輩瀟灑媿雄蘇鶴夢先遊楚詩名已重  
蘭畦小集

卷一

八

吳人生隨處樂景物異鄉殊一路雲山送烟波點  
畫圖

懷胡魚門

遊客萍踪莫問家忍拋舊雨各天涯愁聽北海驪  
歌曲孤負南徐鹿韭花紅葉飄零征雁杳白頭鄭  
重夕陽斜三山風月誰爲主還擬秋江共汎槎

登焦山祝茅三峯壽

憶別焦巖歲序遷到來仍屬舊江天樓吞滄海一

輪月榻臥晴波萬頃烟雲外鶴臻無量壽山間松  
老不知年登臨盡是稱觴客共祝華陽陸地仙

次茅松門韻

扁舟直送到禪門桃柳爭妍介壽辰清影過窻帆  
載月歌聲覺夢鳥鳴春烟雲去住爲行客山水相  
親作故人畢竟茅容是仙派半生詩酒樂閒身

詠凍豆腐

雖然冷淡出天功成實翻空製不同疎遠華筵甘

蘭畦小集

卷一

九

儉薄調和蒸釜化玲瓏購來村市饗飧便歷盡冰  
霜欵竅通此味豪家嘗未慣菜羹相伴有儒風

水仙

臨波仙住水雲鄉耐得嚴寒淺淡粧冷伴松梅供  
几席羞隨桃李艷門墻輕搖翠帶翩躚影細染黃  
裳馥郁香莫笑迎新催舊臘好生清貴傲風霜

友人招遊雙桂閣時窻前綠萼梅正開

追攀舊雨到仙壇綠萼初開喜未殘疎影淡籠窻

月曉暗香微帶閨風寒久貪醉飲詩魂瘦空著相思蝶夢難休把春光輕洩漏恐隨楊柳渡江干

夏日偕友人登獅子窟壽林厚持五十

久擬稱觴獸窟巔精藍此日集羣仙浮沉曙色雲鋪海空濶湖光水接天隔院鐘殘僧入定插秧人唱客驚眠酒兵四座都爭銳笑我頽唐老不前

二

杖藜扶我到峯巔剩得閒身卽是仙纔送白雲歸

蘭畦小集

卷一

十

古洞又看明月到中天松因落子麕麕竄樹不搖風宿鳥眠酒醉南山開壽域笑看鸞鶴舞樽前

題訪秋亭

絕頂亭開號訪秋我來登眺記重遊萬家煙井窟前列滿眼雲山檻底收得占地靈應自賞旣知天命復何求興酣時倚胡床坐枝上黃昏月一鉤

避暑

薰風釀暑擾城寰寂寂禪門熱惱刪人坐竹林鬚

並綠我窺泉水髮都斑清流曲抱江千里踈影黃  
昏月一灣不斷蟬鳴深樹裏最憐雨後夕陽山

二

追涼此地試如何石壁層陰掛薜蘿竹榻鶯簧醒  
客夢秧畦蛙鼓和樵歌二分月上千杯少四面風  
來一枕多晴雨相關民國計竚看霖雨沛滂沱

坐月

夜色溶溶玉宇寬縱橫花影上闌干倒山不用推  
蘭畦小集

卷一

七

移力劃界分明咫尺看村郭似沉星宿海樓臺如  
托水晶盤佳人相對心先禱桂子何時落廣寒

和郝樂山招隱寺看紅葉見贈原韻

燦爛霜楓淺淡紅樓臺如在萬花叢讀書遺跡悲  
梁代招隱風高仰戴公樵子行歌烟景外遊人留  
戀夕陽中追隨舊雨諸峯徧帶月歸來逸興同

輓王簞山司寇

見說還疑信不真誰知松栢萎風塵名傳宦海留



勳冊星隕吳江失重臣肯爲憐才扶大雅細推疑  
獄挽陽春自從一別雲臺後物外亭空憶故人

二

忽召修文天上去何時有夢到柴門宏才已著東  
山集善政應邀北闕恩羊叔傷懷碑墮淚郡人  
哀感笛招魂三山無復高軒過留得詩名海內存

自題樵隱圖小照

芒鞋踏徧萬重山幽谷深林任往還訪道每從方

蘭畦小集

卷一

七

外得世情都被夢中刪衣寒欲借雲添絮身老須  
求藥駐顏畢竟人生似朝露始終名利不如閒

二

自愛林泉興不孤欲謀生計學樵夫天生蓬島招  
遊展風捲松濤浴翠鳧吟罷暢懷貪月坐歸來醉  
態倚雲扶紅塵隔斷無鄉夢我共青山作畫圖

北固山

鼎峙三山北固雄名藍高聳梵王宮樓臺創建興

亡後戎馬銷沉戰伐中勢控金陵窺遠岫城環鍊  
甕亘長虹古今勝地多遷變老衲談深感慨同

地藏庵茶花

禪室山茶甲衆芳生成枝幹鬱蒼蒼葉垂寶蓋承  
朝露人倚樓臺醉夕陽莫道香從天女散更憐花  
累老僧忙一輪捧出初更月明鏡高懸照夜粧

雲臺山

翠微高處列仙宮面面看來景不同山色雨餘千

蘭畦小集

卷一

七

嶂碧波光日暎大江紅萬家烟火蒼茫裏兩點金  
焦指顧中遙對秣陵悲往事自憐身世歎飄蓬

友人招飲笠庵

古木當門匝綠陰梵王宮殿水雲深半山銜月飛  
觴醉一鶴橫江入夢尋美酒樂逢名士飲清波照  
見主人心春歸莫道無才思枝上黃鸝送好音

友人暨兩姪同余登九華祝耀堂弟五十壽

九華高敞近雲霄策杖登臨未覺遙賓主交情皆

契合弟兄鬚髮各飄蕭性緣避俗甘稱懶酒爲招  
涼轉易消差喜阿連還健爽平分三萬六千朝  
琳宮金碧聳高峯信宿時聽隔院鐘明月最宜通  
夜賞空山難得故人逢滿天雲氣鋪成海百尺松  
鱗幻作龍指點長空無障礙居然萬象列心曾

又

暑避禪關氣爽然到來卽是地行仙長江遠帶金  
陵氣淡月輕籠鍊甕烟萬點疎星懸樹杪數聲樵  
唱落風前山容隱現原無定一日陰晴幾變遷

水仙

仙子風標不染塵水雲常護歲寒身愧逢桃李爭  
妍媚最愛水霜結比鄰秀色欲侵筠箔月幽香已  
滿玉堂春同時結契誰爲侶相共梅花叙主賓

蘭畦小集

卷一

四

蘭畦小集卷二

丹徒 韓爲楨熾齋 著

秋分後招同人飲雲臺山館

興來莫放好秋光聚首仙壇快舉觴  
讀罷黃庭消永晝開殘丹桂有餘香  
門前萬綠遮朝旭江上孤帆送夕陽  
客醉莫愁銀燭短一輪明月夜初長

九華山

峯高雞犬吠雲間尺五樓臺半借山  
九瓣蓮花開蘭畦小集

卷二

一

法界一輪明月照禪關鐘聲欲斷梵音續  
客夢初殘僧定還涉世莫爲塵網束  
利名雖好不如頑

久雨初晴張夕庵招飲作此申謝兼訂後期  
初霽秋光動客憐西風吹瘦已涼天  
山容蒼翠因新雨樹色迷離爲晚烟  
酒興快逢名士飲詩才恰讓主人賢  
我今更訂黃花約聚首東籬醉綺筵

輓胡魚門

海以宏深納衆流吟壇仙去不勝愁  
孤山鶴在人

何處彭澤籬荒菊尙留五夜鶻啼魂夢冷九秋星  
殞水天悠傷懷怕聽飛鳴雁嗟我蕭蕭已白頭

盆菊

晚放須知讓衆芳世稱高隱別炎涼空勞狂蝶三  
更夢卻耐飛鴻午夜霜淡月到窻憐瘦影微風入  
座透寒香爐烟碗茗供清賞點綴秋光滿畫堂

仲冬下浣三日序東姪六十生辰游九華山

路轉溪迴曲徑開衆峯深處擁樓臺山空雲自窻  
蘭畦小集  
卷二  
二  
間入江遠帆從天上來村火悞疑星斗落鐘聲催  
醒夢魂回梅花欲醉稱觴客相送寒香到酒杯

郵祝漢陽高種書五十

懷人吳楚隔天涯客舍身安便是家海屋記曾添  
甲子岡陵可許問年華洲邊鸚鵡眠芳草漢上鳧  
鷗浴彩霞鄉夢莫驚頻到枕待將春暖泛歸槎

山中步月

月明如晝動幽思懶睡偏宜策杖時一片谿烟迷

遠樹半彎流水入清池雲波蕩漾天街靜素練橫  
空斗柄移吟侶莫嫌僧淡薄歸來尙有酒盈卮

同友遊獅子窟

獅子何年臥窟中至今勝跡尙稱雄門前疊嶂幽  
如畫天際滄江曲似弓滿徑烟霞時變幻四圍竹  
樹鬱青葱追隨盛友難逢再且教開尊酒莫空

探梅

幽懷清夢結相思底事梅花故放遲料得春光藏

蘭畦小集

卷二

三

不住暗香先待我催詩

約友八公洞探梅

春曉尋梅踐舊遊八公遺跡至今留登臨爭向花  
間醉唱和都從筆底收樹繞烟霞堆作錦泉飛瀑  
布冷如秋晚來月上初更後雲水村中好放舟

箕簪谷賞雨中牡丹步三峯原韻

名花不與衆芳羣風致何殊錦繡紋天釀輕寒香  
自歛雨侵濃艷色難分滿枝珠露防沾袖徧地臙

脂欲染裙毋戰莫嫌沽酒少歸人策杖已微醺

人日友人招飲九華賞雪

九瓣蓮花雪未殘天然巧作畫圖看朔風冷逼空  
山暮蒼翠晴分古柏寒鐘鼓靜聽堪遠俗林泉貪  
樂竟忘餐靈辰對飲須當醉賢主嘉賓聚會難

二

登山休問早梅殘策杖何妨冒雨看踏遍瑤華身  
自潔吟成香雪句生寒遠離塵海開青眼近剪園

蘭畦小集

卷二

四

蔬愛素餐欲訂幾時重聚首方知今日別離難

築居

小築蝸廬爲息肩幸餘隙地種花田窻紗淺映芭  
蕉影筠箔輕籠楊柳烟移竹剛逢新雨後灌蘭宜  
趨晚風前自知老拙無才思學圃還能勝少年

題莊吉齋柳色湖光小照

柳色湖光映碧空閒情俯仰興無窮魂消隋苑人  
何在腸斷陽關夢未通瀟灑曾襟出塵世淋漓筆

墨借天工此間洗盡繁華態智者高懷孰與同

自題僧敲月下門小照

柴門寂寂月光寒  
剥啄聲敲夢未殘  
世味徧嘗回首易  
人情歷盡立身難  
放懷俯仰鳶魚察  
轉眼榮枯物我看  
若不逃禪除俗累  
何如優孟幻衣冠

七十述懷

虎尾春冰僅自全  
何曾奢望到稀年  
豈愁酒債衣頻典  
只恐花時杖不前  
塵劫竟從榮辱轉  
風波卻蘭畦小集  
被利名牽撫今追昔  
舒懷抱得暇還耕  
心上田

卷二

五

二

夕陽珍重白頭人  
孤負光陰愛惜身  
回憶少年多跋涉  
那堪衰老費精神  
遣懷常共書爲友  
排悶全憑酒作鄰  
看到浮生終是夢  
愁難寡過不愁貧

又

曾記當年竹馬時  
如今鬢髮已成絲  
一生事業歸殘夢  
再轉輪迴恐不知



七十光陰歲月稀人生有幾自知非眼前萬事都  
拋去留住春光莫放歸  
演劇登場轉盼空當時誰肯不英雄果能識得邯  
鄲路未熟黃粱夢已終

感懷

閱歷纔知己白頭平生踪跡似浮鷗聰明逼我成  
棋劫名利撩人上釣鉤但遇鶯花便豪放偶逢詩  
酒卽勾留醫貧學得袁安術臥雪何嘗意外求

蘭畦小集

卷二

六

王又村見和拙作次韻答之

頽顏入世損天全華髮論交喜少年荏苒流光詩  
卷裏凋零朋輩酒罍前多生我媿塵鞿縛一水君  
偏別思牽佳日春秋着雙屐勞勞獨乏買山錢

同唐花城游漢隱庵

小集招提夜未央松風入檻拂衣涼梅能索笑催  
詩急僧解留賓掃榻忙杯滿正邀明月飲洞深都  
被白雲藏着來蠟屐游偏壯恐引山人笑我狂

步牧亭梅庵歲敦賜和原韻

虛名七十年塵勞傷局促偶作寒螿鳴空羨陽春  
曲翩翩三鳳皇文彩儘華縟引吭相和鳴遠隔江  
波淥天風吹靈音入耳洗塵俗况聞老鳳聲夙昔  
仰高躅楷範時所宗厨顧有專屬如何荆山寶謬  
以砮硃辱來詩謬以施濟見推且引君諸善舉相况抱愧實深尊披吟再  
三歎厚意還自勗古人重知已得一可以足神交  
有三人隔江動遙矚何當買扁舟打槩沂江綠握

蘭畦小集

卷二

七

手論素心快瀉杯中醪俗務紛蝟毛羈人逾桎梏  
恨無雙飛翼高舉學鴻鵠相思兩地殷自愧貂難  
續好善如諸君人倫推穀玉拭目望青雲聯鑣盡  
騏驎

壽張玉堦吟丈九十

少長交遊五十年追隨詩酒結深緣昔曾把袂尋  
幽壑今喜稱觴對綺筵梅萼初開冬嶺上斑衣爭  
舞畫堂前他時寵錫昇平瑞始信人間有地仙

江上三山兩斷行中峯抽出一支長

諸昆玉獨承君壽最高

先繩尺齊家室裕後箕裘肯構堂瀟灑襟懷多壽  
相平生心血在吟囊大椿定下期願算留與詩人  
重晚芳

題朱芸樓世講心誠上人楊德貞羽士三教

圖

性愛山林共隱淪梅花松竹認前身昔爲絳帳趨

蘭畦小集

卷二

八

庭客今作丹臺訪道人胸有奇謀運帷幄口吟佳  
句動星辰鴻濛開闢分三教一貫同歸各問津

題杏村乘舟濯足圖

追涼水國泛輕舟奇境須看萬里流日落烟波行  
地遠夜深魂夢與天遊寄書來去惟青鳥渾俗浮  
沉笑白鷗喜有琴尊舒抱負絕無塵垢到雙眸

二

雲水生涯興不孤欲尋歸路未模糊逃名簞笠輕

冠蓋笑世滄桑類  
輓轡藥採山中供  
遠客酒沽村外屬  
奚奴此間不是桃  
源境莫管漁郎問  
道途

步茅三峯雨中至  
雙桂閣訪高樓村  
賢喬梓

原韻

仙壇樓閣枕山隈  
訪友剛逢桂正開  
酒醉忽看明月上  
詩成最喜故人來  
夕陽帆影穿雲去  
午夜鐘聲警夢回  
恨我塵勞徒碌碌  
空教惆悵失追陪

秋日五州山坐月

蘭畦小集

卷二

九

欲訪秋光到上方  
肩輿十里稻花香  
千峯疊翠蒼松秀  
深澗鳴泉碧草長  
但見月升霄漢界  
不知身在水雲堂  
白頭恐被嫦娥笑  
高咏全忘醉態狂

元旦遊五州看雪茅三峯贈詩次韻

霏霏玉屑灑辛盤  
妙景山中得最難  
過客尙嫌途路蹇  
衰翁偏作畫圖看  
混茫村舍都飛白  
料峭風聲助苦寒  
不是避巖甘寂靜  
何能到此領奇觀

東懷茅秀芝

幾欲瞻衡志未償知名恨晚識華陽儒能兼賈宗  
端木俠更多豪效孟嘗樂善愛敦桑梓誼課農時  
有稻花香拋磚休笑巴人句博得珠璣到草堂

哭輓王大成

芝蘭契合交遊易肝膽襟懷世所難星隕忽驚來  
使報吞聲不忍折書看

三載情深恨見遲誰知接引遇蓮池

亡在雲樓

縱然魂

夢歸來日料得應憐我鬢絲

蘭畦小集

卷二

十

蕭蕭風雨暗江城最是悽涼晝掩門記得去年曾  
介壽傷心此日弔君魂

經濟才高逾絕倫升沉聚散有前因殷勤寄語家  
鄉客借箸而今少一人

輓胡魚門

萍水相逢已十年一朝星殞海門天經綸久助簪  
纓客詩酒何殊謫降仙無復贈言傳翰簡更難懽  
會醉芳筵泉臺若遇王司寇物外亭中榻尚懸

何事修文赴玉樓  
騷壇零落冷山邱  
照人肝膽調衣食  
傳世文章逼斗牛  
舊雨獨傷先我去  
淚珠常使爲君流  
傷懷忍讀招魂賦  
千里歸鄉一夢遊

和吳連山元夕焦巖坐月原韻

騷客尋焦隱  
雙峯聳髻丫  
欲尋香雪海  
來放古仙槎  
夢對詩魂瘦  
波沉桂魄華  
嫦娥應有意  
廣照萬人家

蘭畦小集

卷二

十一

人在蓬萊境  
紅塵已隔多山幽  
全在樹風定不生  
波谷口花爭笑  
枝頭鳥弄歌  
春光先獨占  
此地樂如何

春霄推此夕  
愧我未相從  
過客驚樓雁  
輕雷起蟄龍  
良霄雖易得好景  
實難逢  
佳處亭前坐  
銀蟾上遠峯

火樹星橋燦春光  
又一年  
梅花香在骨  
芳草翠含烟  
混沌何時判  
團圞此日圓  
一尊聊遣興  
醉倒碧

峯巔

二月三日登雲臺山

是日  
帝聖誕  
文

雲臺高枕大江流水色山光一覽收天上瓊瑤開  
壽域人間歌舞迓神庥半輪落日紅沉海幾樹濃  
陰綠到樓月少二分何處去已隨梅柳渡揚州

元旦遣懷

律轉星移去復回人生多被白駒催已看殘臘隨  
年盡卻喜陽春有腳來萬戶桃符迎曉日滿城爆  
蘭畦小集

卷二

三

竹簷春雷遣懷全仗酴酥酒飲對梅花不放杯  
諸友招集師子窟是日爲余常誕

追攀舊雨入山巔結構居然小有天座上且偕紅  
友醉洞中好伴白雲眠記逢僧臘逾三載

祝無違  
大師壽

偷得浮生又一年荏苒韶光真可惜羨他遠俗是  
逃禪

茅三峯與百花同誕同人笠庵小集

峭壁峻岫擁笠庵登樓遙望水天含濤聲撲面渾

如雨山色當窻欲化嵐醉客高吟娛日永寒梅遲  
放待春酣百花共祝仙翁壽滿座稱觴樂且耽

雲臺山遠眺兼悼簣山觀察

仙壇高聳碧雲中放眼纔知萬象空遠近秧田經  
雨綠零星漁火映江紅樓臺早占西津勝形勢堪  
爭北固雄到此不逢王子晉一樽清酒與誰同

招茅三峯胡魚門集雲臺山納涼步二公原

韻

蘭畦小集

卷二

三

白雲深處擁樓臺絕頂登臨倦眼開山氣釀陰催  
暑去江烟帶雨入簾來茅容身有吟詩癖

謂三峯

胡

廣胸多濟世才

謂魚門

共樂郊原沾沛澤還愁百里

不同雷

柬懷袁介庵太守

交遊日淺別離長悵望雲天枉斷腸詩酒文章追  
李杜經綸政治效龔黃想君亦有思鄉意愧我難  
求縮地方見說蒼梧風景好六街聽喚荔枝香



東懷徐雲鋤

羨君高臥陳蕃榻賓主芝蘭氣味投驛路莫嫌西  
粵遠名山須讓桂林幽白頭自厭餘生拙青眼堪  
嗟歲月流萍梗數年多問慰何時擬共泛輕舟

楊隱溪齋中賞菊

尋幽不覺到衡門曲逕疎籬五柳村雅趣但看詩  
滿壁高懷最喜菊盈盆枝含霜艷驚人眼品重寒  
香弔蝶魂欲把秋光暫留住酬君辛苦不空尊

蘭畦小集

卷二

十四

咏庭梅

漸覺陽和氣暗催千枝珠蕊冒霜開只愁飛蝶尋  
春香未許狂蜂結隊來疎影淡籠明月上暗香初  
透曉風回憑闌不敢吹長笛留與詩人對酒杯

